

سنة ١٩١٩ قام سعد زغلول ورفاقه وقالوا للمفوض الإنكليزي في مصر الحماية إنتوا كنتوا عاملينها علشان الحرب والحرب انتهت . أنتم دلوقت إيه؟ قالوا : ارفعوا الحماية . طيب رفعنا الحماية . حتنضموا لمن؟ قالوا : نستقل . قال الإنكليز : أنتم مين تستقلوا؟ كانت الخرائط عندنا تقول إن مصر مش دولة . كانوا يقولوا : القطر المصرى . فى سنة ١٩١٤ وبعدها تجد أن مصر اسمها يومها القطر المصرى . هل تريدون أن تعودوا تحت الاحتلال العثمانى اللى هو عدونا؟ قلنا : لا . إحنا مش عاوزين لا كده ولا كده . إحنا عاوزين استقلال مصر . قالوا : ما هى مصر؟ أنتم قطر . مصر دى إيه؟

ابتدأ فى الحال شعور عند المصريين بأن يثبتوا أنهم دولة اسمها مصر . لم يكونوا فى وضع يقولون فيه إن مصر عربية لأن العرب كانوا زينا . الشام كله تحت الاحتلال الفرنسى . جزء أخذوه الإنكليز وجزء أخذوه الفرنسيين ولم يكن هناك المملكة السعودية . هناك نجد والحجاز والإنكليز موجودين فيهما . وأصبح من الصعب جداً يومها أن تقول «عروبة» . إنما لازم تأخذ مسؤوليتك كمصرى علشان تأخذ منهم الاستقلال . فنحن فى الوقت ده بقينا نشعرهم بشخصية مصر دى . ما كان عندنا بنوك . طلع عنا طلعت حرب . كان عندنا بنوك أسماؤها من نوع : البنك العثمانى . شوف بقى . البنك اليونانى . . . إلا البنك المصرى . . . قام طلعت حرب وعملنا بنك . الأدب نفسه اصطبغ بفكرة أن نعمل إيه؟ نعمل رواية مصرية . عاوزين نظهر كلمة مصر . مش لأننا عاوزين نفصل عن العروبة ، علشان نحكى عن مصر ونثبت وجودنا كمصريين . علشان عدم تعقيد طلب الاستقلال : إن إحنا مصريين وأنتم موجودين فى أرض مصر . إذن لازم تطلعوا من أرض مصر . طلعت «عودة الروح» وفيها الثورة فى آخرها . . لكى نعمل من أجل الاستقلال ، استقلال مصر . يومها كان يجب أن نركز على تاريخنا ، على تاريخ مصر . وهذا يعنى أن نتحدث عن أرضنا عن تراثنا ، عن ماضينا وما إلى ذلك . وهذا ليس انعزالية أو تفوقاً . إذا تحدث العراقيون عن بابل وعن حضارتها فهل هم ضد العروبة . وإذا تحدث أهل سورية عن الفينيقيين والآراميين والكنعانيين فلا يجوز أن يفهم هذا على أنه عدااء للعروبة . كل هذا التغنى بالماضى المصرى أو السورى أو العراقى لا ينفى قطعاً رابطة العروبة . العروبة هى اللقب . اسمك مثلاً فلان واسمى توفيق إنما لقب العائلة هو الجامع لقب عائلتنا هو العرب .